

الغطاء الأسود



تم تحويل هذه الرواية الى Pdf

بواسطة موقع ايجي فور تريندس

<https://www.egy4trends.com/>

رؤى فتاة في الثانية والعشرين من عمرها .. جميلة

تدرس في كلية الآداب قسم علم نفس. تحلم بأن

تصبح دكتورة نفسية لتحل مشاكل الآخرين ..

تعيش مع أمها وأخيها في منزل صغير يغمره
السعادة برغم من صغره وبساطة حاله... بدأت رؤى
في السير في طريقها الممتلئ بالنور وبعد أن كادت
ان تصل في الإقتراب الى تحقيق حلمها حل الظلام
هذا الطريق وانطفئ كل شئ أمامها.. هل ستصل
رؤى في النهايه الى تحقيق حلمها ام ستقف عاجزه
في منتصف هذا الطريق؟ إليكم القصة بالتفصيل...

———— Part Break ————

رؤى: ٢٢سنه بيضاء حسناء المظهر قصيرة القامه
عينان بنيان بلون القهوة من اسره متوسطه الحال
تحب القراه رؤى: يوووه إنت كل مرة تعمل معايا
كده قولتلك متأخرتش ولا حاجه كنت مع ياسمين
بنشتري شويه حاجات.. حسن: ٢٨ سنه اخو رؤى

قريب جدا منها يعمل محاسب في بنك وهو بمثابة
الأب في البيت بعد ان مات ابيه حسن: مش كل مرة
أقولك خدي بالك من تصرفاتك إنتى مش صغيرة..
رؤى بغضب خفيف: لأ أنا كبرت.. إنت اللى مش
عايز تقتنع إنى مبقتش صغيرة وأقدر أشيل
مسؤولية نفسى كويس أوي يا حسن حسن: من
إمتى الكلام ده يابنت أمى وأبويا؟ ردى عليا من
إمتى يارؤى!! رؤى: معرفش إنت دايماً تعاملني
على أني لسه طفلة وأنا خلاص كبرت لو سمحت
ياحسن بطل تعقب كل مره على أفعالي حسن:
خلاص أعملى اللى يريحك أنا مش هدخل في حاجة
تانى خلاص مادام كبرتي وعرفتى كل حاجة مبقاش
ليا لازمة في حياتك خلاص.. زبيده: ٥٠ سنه والدت

رؤى ربه منزل تحب أولادها كثيراً حيث تقوم على
تشجيعهم ليكونوا فى افضل حال شخصيه قويه
بعض الشئ. زبيده بخضه: إيه فى إيه إنتى وهو
صوتكم جايب آخر الشارع إيه يا حسن مزعل رؤى
ليه يا حبيبى حسن بحزن : إسألها يا أمى أنا داخل
أنام زبيده بتعجب: استنى بس ..يا حسن... يا حسن
ثم يدخل حسن وهو غاضب وحزين على ما فعلته
رؤى. و رؤى ترى أن من حقها أن تعترض على
ردود أفعال اخيها معها وأنه كان يجب عليه أن يرى
أنها أصبحت كبير ولديها حقوق ولا بد أن تمارسها...
ف كل منهما لديه الحق. زبيده بلوم : فى إيه يارؤى
ليه تزعلنى حسن بالشكل ده؟ ده هو اخوكى سندك
وضهرك معقول تتكلمى معاه كده..! رؤى: ياماما

مش عايز يقتنع إني خلاص كبرت إنه يخاف عليا
حاجه وأنه ميخنقنيش ويحبسني دي حاجه تانيه
عشان خاطري اتكلمى معاه إنتى ياماما حاولى
تخليه ميزعلش منى ويفهم وجهه نظرى.. زبيده
بتفهم : معلش يا حبيبتى هو بس معاملته كده
عشان خايف عليكى ومن واجبه إنه يحميكى بلاش
تأخير زياده عن اللزوم بره البيت.. رؤى: حاضر ياماما
والله كنت مع ياسمين بس هحاول متأخرش يلا
هقوم انام عشان ورايا جامعته بكره.. - ثم دخلت
رؤى إلى غرفتها وقامت بخلع ملابسها ومن ثم ألقت
جسدها قليلا وأغمضت عينيها إذ فجأه الهاتف يرن
رؤى: الو ازيك يا يوسف عامل ايه؟ يوسف: ٢٥ سنه
ويشتغل مهندس فى شركه شخص غامض بعض

الشيء. يكون خطيب رؤى يوسف بخضه: الحمد لله
يا حبيبتي مال صوتك شكلك زعلانه أو في حاجه؟
رؤى: مفيش اتخانقت مع حسن كالعادة هو أنا ورايا
كل يوم غير الخناق معاه.

يوسف: معلىش يارؤى حاولى تتكلمى معاه براحه
إنتى عارفه حسن عصبى بس قلبه طيب.. عندك
جامعه بكره؟ رؤى: اه عندى انا كنت نمت صحيت
على مكالمتك يوسف: خلاص يا حبيبتي نامى
وبكره الصبح نبقا نتكلم وانا رايح الشغل هعدى
عليكى اوصلك فى سكتي رؤى: تمام

يا يوسف..سلام. -فأغلقت رؤى الهاتف وقامت
بإطفاء النور وألقت جسدها على السرير مره أخرى
أنه ليس، لديها وقت كثير للنوم إلا بضعت ساعات

ويحل الصباح زبيده: رؤى اصحي يا حبيبتي المنبه

بيرن بقاله ساعه.. رؤى: حاضر ياماما بقولك هو

حسن نزل؟ زبيده لا لسه منزلش هو صحي

ولبس...هيفطر وبعدين هينزل هروح أنا بقا

احضركم الفطار.. - ثم خرجت رؤى من غرفتها

وهي تفكر كيف تتحدث مع حسن وهو غاضب منها

وفي الحقيقه كان هذا الموقف صعب بالنسبه لها

وأنها ندمت بعض الشيء على فعلتها هذه وهي لن

تقصد يوماً أن تغضبه ومن ثم نظرت إليه نظرت

استعطاف وتحدثت معه بصوت منخفض وعيناها

في الأرض رؤى: حسن يا حسن أكيد مش هتفضل

زعلان منى أنا رؤى حبيبتك أختك وصحبتك والله

ما كان قصدى أزعلك ده انت غالى اوى عندى

متزعلش بقا... حسن: مش زعلان منك يا حيتي أنا

بس خایف علیکی مش اُکتر انتی اُمانه فی رقبتی

خصوصاً بعد ما بابا الله يرحمه سبنا أنا موجود بداله

عشان أحافظ عليكى. رؤى: خلاص بقا والله ما

هـيـحـصـل تـانـي أـبـدأً انـي أـزـعـلـك إـضـحـك بـقا. حـسـن: اـهـو

یاستی ههههههههه یلا افطری عشان ننزل أوصلك

معایا. رؤى: لا متتعيش نفسك يا حسن يوسف

هيعدى عليا يوصلنى للجامعه ربنا يخليك ليا.

حسن: ماشی هنزل انا بقا مهو من لقی احبابه بقا.

-ثم يغادر حسن المنزل وتدخل رؤى الى غرفتها

وترتدی ملابسها وتتجه مسرعه الى باب بعد مكالمه

يوسف أنه في انتظارها تحت المنزل رؤى: إيه يابني

لازم تنزلنی بجری کده یوسف: معلش یاروی انا

نزلت متأخر شوية -كانت رؤى عندما ترى يوسف
تفرح بشدة وتتحدث إليه كثيراً جداً في الطريق
لدرجه أنها كانت لا تشعر بالوقت إلا أن يصلوا سوياً
يوسف: ياه وصلنا بالسرعه دى. رؤى: آه شوفت بقا
الوقت الحلو بيعدى بسرعه شكراً انك وصلتنى.
يوسف: مفيش بينا شكر هبقا أكلمك بعد الشغل
خدى بالك من نفسك سلام. -ثم يغادر يوسف
ويتركها أمام باب الجامعه ويكاد وجهها منزعجا قليلا
من مغادرته كانت تحبه كثيراً وترى انه الشخص
المناسب لديها ثم وقفت قليلا تفكر فيه إلا أن رأتها
ياسمين فأقتربت حتى وقفت أمام رؤى ومن ثم
بدأت تتحدث معها.. ياسمين: ٢٢ سنه صاحبه رؤى
المقربه تعمل فى سنتر تتحمل المسئوليه كثيراً

شخصیه متفائله یاسمین: ایه یابنتی کل ده تأخیر
مالك مسهمه كده؟ اه اكيد يوسف و صلك زى كل
يوم طيب فوقيلی هنا انتی یارؤی. رؤی یانزعاج: هاه
ایه یابنتی عایزه ایه! یاسمین: لا مش عایزه حاجه
عاوزاکی تفوقی عندنا محاضره فوق وانتی عارفه
الدكتور ده مبیهزرشی هاه. رؤی: طيب یلا نطلع.. -
وبعد إنتهائها من المحاضرات تقوم بالتحدث مع
يوسف فی الهاتف لکی تخبره بأنها أتهيت الى أن
تعود وتتحدث معه مرة أخرى ثم تنهی حديثها معه
وتفكر ماذا تفعل بعد ذلك إما ان تعود الى المنزل
أو تجلس بعض من الوقت مع صديقتها المقربه.
یاسمین: ناویه علی ایه یارؤی؟ رؤی: مفيش تعبانه
شويه تعالی نروح النهارده كان يوم طويل اوى..

ياسمين: طيب مش هنتناقش شويه فى مشاريع
التخرج إالى قدمناها إنهارده دى للدكتور والا خلاص
عشان قدمنا بقا منتناقش ؟ روى: خلاص بقا
ياياسمين إحنا هنتناقش فى ايه إحنا قدمنا واللى
حصل حصل أنا متفائله خير إن شاء الله متقلقيش
إنتى عارفه يابت ياياسمين ده حلم حياتى أوى إنى
أنجح فى الطريق ده وابقا دكتور ه نفسيه ياااااه...
ياسمين: خليكى معايا متسرحيش لبعيد أوى كده
إحنا مدرسين علم نفس ده أخرنا والا إنتى مفكره
يعنى عشان قدمتى المشروع بتاعك ده هو إالى
هيوصلك فوق يااختى.. روى: هههههه ماشى
هتشوفى إن كلامى ده مش كلام وهوصل لحلمى
قريب اوى.. ياسمين بسخريه: طيب يلا نطلع

عشان نلحق الأتوبيس يأم حلم .. -ثم خرجوا في
ذلك اليوم من الجامعه مُسرعين بعض الشئ
للإحاق بالأتوبيس إنه على الجانب الآخر ونحن نعبر
الطريق حينها بحثت رؤى عن اسكتش الجامعه
التابع لديها انه يبقا بين يديها ولكن حينها كان غير
موجود بين يديها ثم تحدثت الى ياسمين بالانزعاج!
رؤى: ياه أنا نسيت الإسكتش بتاعى فى المكان اللى
كنا قاعدين فيه لازم يعنى تستعجلينى ياياسمين..
ياسمين: خلاص ارجعى انتى هاتيه وأنا هعدى
استناكى الناحيه التانيه.. بالفعل قامت بالعوده مره
أخرى لكى تأتى به ثم خرجت من الجامعه وهى تعبر
الطريق فجأه رن هاتفها كانت مكالمه من أمها
وليس من عادت أمها أن تتحدث معها فى ذلك

الوقت فأندھشت كثيراً ثم فتحت المكالمة كان
يجب عليها أن تقوم بالرد لكي تعرف ماذا تريد وهي
فاقده تركيزها تماماً في العبور وأيضاً كانت تنظر إلى
ياسمين في الجانب الآخر وهي تشير بيديها نحوها
اشاره السرعه للوصول إليها وفي نفس اللحظة تأتي
عربه مسرعه وبين هذا وذاك تصدم العربيه بجسد
رؤى فتفقد الشعور ويحل الظلام وتقع على
الأرض... ياسمين بصرخه: رؤى رؤى شخص من
المارة: إنتى تعرفيها؟ ياسمين بإنهيار شديد: أيوه
أعرفها دى صاحبتى ثم مسكت الهاتف وهي تبكي
بكاء شديد:ياطنط زبيده رؤى عملت حادثه قصاد

الجامعه إلحقينا

———— Part Break ————

ألقت ياسمين الهاتف ونظرت نظره غضب شديد
لسائق العربيه ياسمين بصرخه: ايه إالى انت عملته
ده يابنى ادم مش تفتح صاحب السياره: مش وقته
الكلام ده يلا بسرعه ناخذها على المستشفى -ثم
قام بحمل رؤى ووضعها فى العربيه وركبت ياسمين
بجانبيها وذهب مسرعًا الى مستشفى الحياه وحملها
مره أخرى ودخل بها الى المستشفى ومن ثم قال
الدكتور أنها فى حاله حرجه ولا بُد أن تدخل غرفه
العمليات وبعدها جأت زبيده وحسن مسرعين
وكانت زبيده تبكى بكاءً شديد جداً لدرجه الأنهيار
لما حدث لرؤى .. زبيده: ياسمين ايه إالى حصل
لرؤى؟ بنتى فين قوليلى بنتى فين؟ ياسمين: فى
اوضه العمليات ياطنط متقلقيش إن شاء تبقا

كويسه حسن بصوت على جداً: وفين البيه اللي
خبطها ده انا هروح فيه فى داهيه ياسمين: هو اللي
واقف هناك ده يا حسن ثم يمشى صاحب السيارة
إتجاه حسن وهو حزيناً جداً على ما حدث ومن ثم
ينظر إلى حسن ويتحدث معه ويخبره أنها ليست
غلطته وإنما غلطت رؤى أنها كانت حينها تتحدث فى
الهاتف وتنظر لصديقتها.. صاحب السيارة: حضرتك
ممکن تهدي أنا ملىش زنب فى اللي حصل ده وأى
تعويضات أنا ممكن اتحملها.. حسن: تعويضات ايه
الى بتتكلم عنها دى أختى يابنى آدم وبعدين أنا
هتاسب معاك بس بعد ما أختى تخرج بالسلامه..
وبعد الصمت الطويل الذى دام لمدة ساعه كامله
خرج الدكتور من غرفة العمليات إتجاه صاحب

السياره يتحدث معه بصوت منخفض والأخرين
واقفين مزهلين من الدكتور إتجاه صاحب السياره
ولما يتحدث معه ويتركنا نحن إننا أهل الضحيه
وليس هو حسن بدهشه: يادكتور أنا أخو رؤى
اللى جوه ودى مامتها وحضرتك سايبنا إحنا ورايح
تتكلم مع اللى خبطها؟ زبيده باكيه: هو فى ايه
طمنى على بنتى وانبى يادكتور إيه اللى حصل
وحضرتك واخده على جنب تقوله ايه ما تفهمونا
بنتى حصلها حاجه.. الدكتور بحزن: اسف للى
هقوله بس عاوزكم تبقو متماسكين وتعرفوا إن
اللى حصلها ده قضاء وقدر فى الحقيقه أنسه رؤى
نتيجه لإرتجاج شديد فى المخ فقدت بصرها
وإحتمال ضعيف جداً إنها ترجع تشوف تانى ...

ياسمين بحزن : لا إنت اكيد بتهزر زبيده: لا لا
متقولش يعنى أنا بنتى مش هترجع تشوف تانى
ألحقنى يا حسن الحق أختك... حسن بغضب شديد
يمسك فى عنق السائق ده انا هموتك هتعوضها
عن ايه قولى كده عن نظرها اللى راح والا حياتها اللى
ادمرت الدكتور: إهدى بس يا أستاذ حسن إنت راجل
مؤمن وهو راجل محترم لازم نجلها بالعقل.. حسن
لا اله إلا الله أنا عايز اشوف أختى دلوقت فوضت
أمرى لله..

الدكتور هى أتنقلت دلوقت أوضه رقم ٢٢ حضرتكم
تقدروا تشوفوها بس لو فاقت ممنوع الكلام الكثير
معاها ويستحسن متعرفوهاش حاجه دلوقت
الصدمه هتبقا شديده عليها... ثم يذهب الدكتور الى

مكتبه والآخرين يذهبون إتحاه الغرفه التى توجد بها
رؤى ويدخلون الغرفه فيجدون رؤى على عيناها
غشاء فيحزنون كثيراً وتبكي زبيده مره أخرى
وتتحدث مع رؤى مع الرغم أنها نائمه. زبيده: كان
مستخبيلك كل ده فين يارؤى ياترى ياحبتي
هتعملى ايه لما تعرفى.. ياسمين: خلاص ياطنط
بالله عليكى متعمليش فى نفسك كده إن شاء الله
هتقوم بالسلامه. حسن:أنا مش عارف ايه اللى
بيحصلنا ده الحمد لله والدكتور أفعاله غريبه من
جهه صاحب السياره كل شويه يكلمه فى حاجه أنا
مش فاهمها.. ياسمين: اه فعلاً ياحسن عندك حق
حتى لما قولتله وأنا فى العربيه ودينا مستشفى
قريبه مرضاش مش عارفه فى إيه.. ثم يدخل

الدكتور ومعه صاحب السيارة ويقوم بالإعتذار لهم
جميعاً.. صاحب السيارة:أنا بجد بعذرلكم جميعاً
بس والله الذنب مش ذنبى من الأول الأنسه رؤى
الى مكانتش مركزه وهى بتعدى الطريق ووقفت
قصادى فجأه.. زبيده: خلاص ياابنى ده نصيبنا وإحنا
راضيين بيه الحمد لله على كل شئ بس هى تقوم
وتبقا بخير... حسن: أنا مسامحك المهم هى تقدر
تسامحك على إالى إنت عملته فيها ده وربنا
يصبرنا... الدكتور: أنا مش عايزكم تكونوا قلقانين فى
دكتور عيون هنا شاطر جداً وهو بنفسه صمم إنه
يتابع حالت رؤى وهو تابع حالات كتير اوى صعبه
قبل كده ونجحت ورجعت تشوف تالى بس هو عاوز
منكم الإذن إنه هو اللى يتابع حالتها بنفسه...

حسن: احنا موافقين طبعاً... ثم يخرج الدكتور
وصاحب السيارة ويدخل في نفس اللحظة يوسف
بلهفه ويتحدث إليهم... يوسف: مالها رؤى فيها ايه
اللى حصلها؟ زبيده: مفيش يايوسف بس رؤى في
حاله صعبه شويه ادعلها... يوسف: وايه البتاعه
اللى على عنيتها دى أتم مخبيين حاجه عليا؟
حسن: الدكتور بيقول إن رؤى فقدت بصرها مش
هتشوف تانى يايوسف ثم وقف يوسف مصدوم
من حديثهم لهم ولم يعرف ماذا يفعل ومن ثم
قال... يعنى خلاص مش هترجع تشوف تانى زبيده:
الحمد لله ده قدر ومكتوب ومحدث بيهرب من
قدره يايوسف خلى بالك من رؤى واقف جمبها في
المحنه دى ياابنى لم ينطق يوسف بحرف ولكن

ظل صامتًا وبعد عشر دقائق من صمتهُ فاقت رؤى..

رؤى: اه أنا فين ايه اللى جبنى هنا؟ زبيده: إسمالله

عليكى يا حبيبتى أنا أمك وياسمين صاحبتك

واخوكى ويوسف كلنا هنا جمبك يا حبيبتى... رؤى:

أمال أنا مش شايفه حد ليه ليه الدنيا ضلمه كده

افتحوا النور وايه ده ايه اللى على عيني ده أيه ده

ياماما... زبيده: ده ده رؤى: ده ايه ما تقولى ياماما

ده ايه وانا فين قولولى أنتم.. مش انتم موجودين

قولولى ايه اللى حصل؟ حسن: يارؤى ربنا بيتلى

الإنسان المؤمن وانتى مؤمنه وأكيد عارفه إن كل

حاجه نصيب.. رؤى: ممكن تعرفونى فى ايه انا تعبت

بجد لكلامكم وشيلوه البتاع اللى على عيني دى

عشان خنقتنى.. ياسمين: إنتى عملتى حادثه

يارؤى وفقدتى بصرك عشان خاطرى اوعى تحزنى
وقولى يارب كلنا هنقف جمبك ومش هنسيبك
وهترجعى أحسن من الأول .. وكان اسوء خبر
سمعتة رؤى فى حياتها فى الحقيقه اذا كان هذا الخبر
صدمه للجميع فالخبر بالنسبه لها أكبر صدمه....
رؤى وهى باكيه: ممكن تسبونى لوحدى شويه أنا
مش عايزه حد معايا... ثم خرج الجميع وظلت رؤى
تسأل نفسها كثيراً من الأسئلة ما الذى حل بى وما
هذا الغطاء الأسود الذى على عيناي هل سأظل
هكذا طيلت حياتى لماذا فقدت بصرى لماذا أنا ظلت
تبكى وتبكى ثم قالت يالله إمنحنى القدره على
تجاوز هذا الألم الذى سيظل معى طيلت حياتى
إمنحنى القدره على العيش مره أخرى.... وبعد

بضعة أيام الدكتور: رؤى تقدر تخرُج إنهارده وتمارس
حياتها عادى وترجع تانى الأسبوع الجاى عشان تتابع
مع الدكتور اللى هيتابع حالتها وأهم حاجه
متتعرضش لأى ضغط نفسى فى أى حال من
الأحوال ده مش هيبقا كويس عشانها ودى أدويه
هتاخذها لحد ما تيجى تانى إن شاء الله...

———— Part Break ————

ثم غادر الجميع المشفى عائدين إلى المنزل ومعهم
رؤى وكانت المره الأوله لدخول رؤى منزلها دون أن
تراه وبعد دخولهم أصرت أن تدخل إلى عُرفتها دون
الحديث مع أحد بل فقط أرادت أن تُعيد حسابتها فى
حياتها التى تغيرت تمامًا عن ما كانت عليه فى
الماضى.. زبيده متمسكه بيد رؤى: أدخلى يا حبيبتى

نورتى بيتك ياقلب ماما يلا أقعدى هنا هروح
أحضرك أكل حالا انتى واخوكى... حسن أه وانبى
يأمى أحسن أنا ميت من الجوع... رؤى لا ياماما أنا
حابه أدخل أوضتى عايزه أرتاح شوية... زبيده بحزن
ليه بس يارؤى طيب حتى كلى أى لُقمه إنتى
مكلتيش من الصبح.. رؤى: معلىش سيبينى على
راحتى ودخلينى ياماما الأوضه بتاعى... زبيده: طيب
على راحتك... رؤى: أقفل الباب وراكى ياماما.
خرجت زبيده من غرفة رؤى وهى باكيه بكاءً
مكتوم على ما يحدث لإبنتها الوحيديه ثم جلست
تتحدث مع حسن لترى ماذا تفعل بشأن أمر رؤى
لُخرج رؤى من الحال التى بدت عليه... زبيده:
وبعدين ياحسن أختك هتفضل كده مش بتتكلم ده

من ساعة الحادثه لحد دلوقت وهى مش بتتكلم
خالص على طول ساكتة كده. حسن: معلىش ياماما
متنسيش إن الموضوع جديد عليها ولازم تاخذ فتره
عقبال ما تتأقلم على الوضع ده... زييده: لا حول ولا
قوة إلا بالله كان مستخيلنا ده كله فين بس ياربى
طيب ومين هيوديهها الجامعه ويرجعها وإنت بتبقا فى
الشغل.. حسن: أنا إتفقت مع ياسمين إنها
هتاخذها منى فى الجامعه وأنا هرجع أجبها ولو
أتأخرت ياسمين هتروحها... زييده: ماشى والله
ياسمين دى بنت جدعه ربنا يخليها لأمها يارب
ويصلحهاها إنما يوسف من ساعه ما عرف إن أختك
معدتش بتشوف لا جيه ولا سأل يعنى هو كلمك..
حسن: لا مكلمنيش هو مكلمش رؤى من ساعتها..

زبيده: لا مكلمه‌اش يكون راح فين ده هبقا أتصل
عليه أشوفه بقا.. ثم یرن جرس المنزل ويقطع
حديث زبيده وحسن فاكان يوسف الذی على الباب
فیدخل يوسف ويسأل على رؤی ويرید أن يتحدث
معها.. حسن: أهلا يوسف عاش من شافك أتفضل
أدخل. يوسف: والله مشغول شويه يا حسن الشغل
واخذ كل وقتی المهم أنتم عاملين أیه وأخبار رؤی..
زبيده رؤی وانت فكرت تسأل عليها حتى يا يوسف
دی الأمانه اللی أمنتك عليها عمّا هی كويسه
ومش محتاجه حاجه من حد وبكره ترجع زى الأول
وأحسن.. يوسف: ولازمته أیه الكلام ده ياطنط أنا
جای أطمئن عليها الفتره دی إنشغلت أنا أسف..

زبيده: قوم يا حسن هات أختك من جوه وأنا هقوم
..أعمل ليوسف حاجه يشربها

حسن: يدخل على رؤى الغرفه ليراها جالسہ في
صمت تُفكر فتحدث معها لِيُخبرها أن يوسف
بالخارج ويريد أن يراها.. حسن: رؤى يوسف برہ
وعايز يشوفك.. رؤى بلهجة حزن: عايز يشوفنى
لسہ فاکر عمّا اسبقنى يا حسن وأنا جاہ وراک
حسن بدهشه: اسبقک أزاى يارؤى؟ رؤى: مالک
مستغرب لیه من الکلمہ وانت فیکرک يا حسن
هفضل کده أتعود إن حد یمسک إیدى طول الوقت
لا يا حسن أنا لازم أتعود بنفسى أكید مش هفضل
کده طول حیاتى.. - ظل حسن واقفاً مندهشاً من
حديث أخته وفى الحقیقه من کثرة دهشته لم يعرف

كيف يرد على حديثها ظل صامتًا لمدة دامت
لخمس دقائق ثم قال بتحفيز شديد لها... أنا كنت
عارف إنك قويه يارؤى وإنك هتعدى المحنه دى
وإنك عندك ثقه كفيله تخليكى تحققى أحلامك
كلها حتى وإنتى كده إنك وقعتى بس الوقعه دى
عشان تخليكى أقوى من الأول هتنجى وأنا واثق
من ده.. ضحكت ضحكه هادئه وفرحت بحديث
أخيها ثم خرج حسن وبعد عشر دقائق فتحت رؤى
باب الغُرفه وظلت تحسس على الأشياء وواصلت
السير الى أن وصلت للمقعد وجلست أمام يوسف
وفى نفس اللحظة دخل حسن وزبيده غرفتھما وبعد
ما ظل الاثنين صامتين بعض من الوقت ثم بدأت
رؤى تتحدث مع يوسف وهى منزعه منه بعض

الشئ وكأنها تعاتبه على فعلته هذه وتركها كل هذه
المدّة دون أى سؤال... رؤى: نعم يا يوسف عايز ايه؟
يوسف بلهجة تردد: أنا أنا رؤى: إنت ايه تقدر تقولى
كنت فين المدّة دى من غير ما تسأل حتى عليا فى
التلفون... يوسف: حاولى تفهمينى يارؤى الموقف
كان صعب عليا مكنتش عارف أعمل ايه...
رؤى: ودلوقتى عرفت إنت عايز ايه.. -ظل يوسف
صامتًا دون رد.. رؤى: يعنى سكت مش عارف ترد
تقول ايه طبعاً.. يوسف: لا أنا عارف يارؤى بس إنتى
اللى مش عارفه.. رؤى: لا أنا عارفه كويس أوى
عارفه إنك إتخليت عنى فى أكثر وقت أنا كنت
محتاجاك فيه.. يوسف بتتردد أنا أنا كنت مشغول
الفترة دى أحلفلك باليه.. رؤى: وهى تبكى بكاءًا

خفيف : متحلفش اشمعنا الفتره دى انت مهما
حلفت مش مصدقاك يايوسف.. وبعد صمت دام
لمدة وكانت رؤى فى هذه اللحظة تسأل نفسها لماذا
فعل يوسف كل هذا بى لماذا وفى نفس اللحظة
يوسف يفكر ويسأل نفسه أيضا كيف أخبرها أنى
غير قادر على هذا الوضع ثم قطعت رؤى تفكير
يوسف بعد أن فكرت جيداً ماذا ستفعل.. رؤى:
ويا ترى إنت جاى انهارده ليه؟ يوسف: ده سؤال
يارؤى أنا جاى عشان أطمئن عليكى طبعاً.. رؤى من
غير ما تكذب عليا يايوسف أنا عارفه. يوسف
بإندهاش: عارفه عارفه ايه يارؤى؟ رؤى: عارفه اللي
انت جاى عشانه باين عليك.. يوسف: أنا قولتلك إنى
جاى أطمئن عليكى إنتى نسيتى إنى خطيبك.. رؤى

بتماسك: كنت كنت خطيبي يايوسف عشان أقصر
عليك المسافه والوضع الصعب اللى إنت إتخطيت
فيه واللى بتهيقلى إنك ملكش زنب تكمل مع
واحد عاميه زي.. يوسف: متقوليش كده أنا
مشتكتش من الوضع ده أنا جمبك.. رؤى: كفايه بقا
إنت مش جمبى ولا عمرك هتكون جمبى إبعد
يايوسف أنا خلاص مش عايزه أشوفك تانى)
فضحكت رؤى ضحكه هادئه على كلمتها الأخيرة)
أنا كده كده حتى لو إنت بقيت جمبى أنا مبقتش
عارفه أشوفك يايوسف.. ثم خلعت رؤى الدبله
الذى بيدها وتركتها له وقالت. إتفضل يايوسف
دبلك اهيه أتمنالك حياه سعيده وأيا كانت حياتك
أكيد هتبقا أحسن نن ما تكون معايا.. يوسف: أنا

مش عارف أقولك ايه يارؤى بس أنا بتمنالك كل
خير وعايذك تعرفى إن غصبن عنى واللّه غصب.. -
فقطعت رؤى حديث يوسف. رؤى: خلاص يايوسف
من غير أى مبرارات ربنا يوفقك فى حياتك ومعلش
أنا تعبانه ومحتاجه أرتاح.. يوسف: ماشى يارؤى أنا
ماشى وهسأل عليكى دائماً وأنا جمبك لو أحتجتى
أى حاجه أنا معاكى.. ثم يأخذ يوسف الدبله من
فوق المنضده ويقف ثم يسير إتجاه باب المنزل
ليغادر واذا فجأه تنده رؤى عليه ثم تقول.. رؤى
بتماسك: إستنى يايوسف قبل ما تمشى عايظه
أقولك كلمه أخيره أنا مش محتاجه منك سؤال لإن
الشخص اللى زيك أنا مش محتاجاه فى حياتى
أينعم أنا أتعमित بس حياتى موقفتش وزى ما

فقدت نظرى اللى هو اغلى حاجه فى حياتى وكنت
قويه أنا كمان قويه جداً فالانى أسيبك ومندمش
عليك ومبسوطه إنى عرفتك بجد عرفت وأنا عاميه
أشوف الشخص اللى كنت وأنا مفتحه مش شيفاه
واعرف انك مش انت اللى سبتنى بالعكس أنا اللى
سبتك أنا مخسرتكش يايوسف ولا زعلانه منك أنا
بجد زعلانه عليك... غضب يوسف كثيراً ولم يعرف
كيف يقوم بالرد رأى فقط غادر وقام بغلق الباب
....بشده دون رد على حديثها

———— Part Break ————

-بعد مغادرة يوسف قامت رأى وهى باكيه تلمس
الأشياء وتصتدم بالأخرى حتى دخلت الى غرفتها
ظلت تُفكر وتسأل نفسها وتُجيب.. رأى: وبعدين

يارؤى هتفضل الدنيا تخبط فيكى لحد إمتا ده انتى
لسه ملحقتيش تفوقى من صدمتك الأولى تقوم
تيجى صدمة يوسف؟ أكيد مكنش بيحبك مهو لو
كان بيحبك كان استحملك وإنتى كده.. فعلا اللي
بيحب بيستحمل بس هو عنده حق ازاي هيستحمل
واحد مبتشوفش فى حياته إزاي؟ يارب أنا تعبت
يارب إدينى القدره على إني أكمل عشان خلاص
معدتش قادره... -فى حقيقة الأمر أصبح الغطاء
الأسود فى حيات رؤى من جميع الجهات أصبحت
رؤى الفتاه الجميله باهته أصبحت لا تدرى لماذا
تُكمل حياتها وهى لا ترى فيها أى شئ وإن كان
الشخص الوحيد التى لا طالما أرادت أن يكون
جانبها قام بالتخلى عنها بهذه السهوله فهل تكون

رؤى قادره على أن تواصل السير في هذا الطريق
المظلم بمفردها؟ أو أن تقف في منتصف الطريق ؟
-ثم دخلت زبيده على رؤى لتُخبرها أنها إستمعت
لحديثهما بالخارج وهى فى غرفتها تدخل زبيده وهى
لا تعلم كيف تواسى إبنتها فى مصائبها وفى نفس
الوقت لا تريد أن تظل رؤى هكذا منطفئه بعد أن
كانت مثل الزهره المُتفتحه المُقبله على الحياه..
زبيده: وبعدين معاكى يارؤى هتفضلى كده لحد
إمتا؟ رؤى:كده ازاي ياماما ما أنا كويسه أهو..
زبيده:أنا سمعت كل حاجه حصلت بينك وبين
يوسف وعايظه اقولك متزعليش ياحببتى يوسف
عمره ما كان الشخص المناسب ليكى يمكن ربنا
عمل معاكى كده عشان يبينلك شخصيته المزيفه..

رؤى بىكاء شديد: ايوه بس أنا تعبت تعبت مبقتش
عارفه الاقيها منين والا منين يوسف كسرنى ساب فى
قلبى جرح كبير اوى ياماما... زبيده بلهجة حزن
شديد : ما عاش ولا كان اللى يكسرك ياقلب أمك
اوعى تقولى كده ربنا له حكمه أكيد يارؤى إنتى
مش وحشه ولا فيكى عيب هو اللى خسرك مش
انتى مش كل حاجه الشكل أهم حاجه الروح وانتى
روحك نضيفه اوى يارؤى بكرة يجيلك اللى
يستاهلك ... رؤى بتماسك: الحمد لله هحاول افوق
هحاول أكمل حياتى لسه عندى أحلام عايزه أحققها
مش عارفه اذا كنت هقدر أحققها والا لا بس هحاول
يأمى.. زبيده:هتقدرى وهتنجى أنا واثقه من ده
وإحنا جمبك مش هنسيبك أبداً ياحببتى هقوم أنا

بقا عشان تنامى وترتاحى عشان تقدرى تقومى
للجامعه مع إنى مش من رأيى تروحى الجامعه
دلوقتى ما نخلها لك منازل يا حبيبتى وروحى على
الإمتحانات على طول... رؤى: لا ياماما لازم أروح لازم
أتأقلم على العالم الجديد اللى أنا بقيت فيه.. -فى
الصباح أتت ياسمين لتأخذ رؤى ثم يذهبون الى
الجامعه وبعد وصولهما صعدوا الى المحاضره حدث
حدث غير متوقع وكأنه يحدث فى ذلك الوقت ليكون
بمثابة الأمل الذى يمسك بيد رؤى ليعطيها القُدره
..على أن تواصل السير فى طريق حلمها

الدكتور: وبعد إنتهاء المحاضره فى أى سؤال حد عايز
يسألهورى طيب كده تمام. فى مشاريع كتير إتسلمت
ولكن فى مشروع لفت نظرى والمحتوى اللى اتقدم

فيه كان متقدم فيه بجداره وهو بيتكلم عن دراسه
سلوك البشر وكيفيه التعامل معهم والقدره على
حل المشاكل واللى ناقشت فيه الطالبه صاحبت
المشروع و باختصار مش هطول عليكم أنا قررت أنا
وبعض من الدكاتره تقديم جائزه لصاحبه هذا
المشروع على مجهودها المبذول فى تقديم مشروع
ناجح بهذا الشكل... وهى رؤى حسن الخولى تقدرى
تتفضلى... -صرخت ياسمين من الفرحه بصديقتها
وضحكت رؤى فرحه بما سمعته وكأن الله يأتيتها
بالعوض عن كل ما مرت به ومن ثم بدأت فى القيام
ورفضت أن تمسك بيدها ياسمين لتوصلها ولكن
قالت لها.. رؤى: لا ياياسمين سبينى أنا هقوم
لوحدى وظلت تصتدم فى الأشياء وتلمس الأخرى الى

أن وصلت للدكتور.. إندهش الدكتور لما أصبحت
عليه رؤى لأنه لم يكن يعلم بما حدث لها ولكن هذا
لن يغير من رأيه في شئ فقدمت رؤى مشروعا
ناجحًا يستاهل الشكر والتقدير.. الدكتور: إتفضل
يارؤى أولاً أنا حابب أشكرك على المجهود الاكتر من
رائع ده.. رؤى بفرحه شديده: ده كان حلمى وأنا
سعيت بس يادكتور فى إني أحققه أنا بجد مبسوطه
جداً مش عارفه اقول لحضرتك ايه... الدكتور: لا أنا
جاي عشان أنا اللي اقول واديكى حقك يارؤى
ولذلك قررت أنا والدكاتره إننا نحطك على بدايه
الطريق وما عليكى غير إنك تكملى.. رؤى: طبعا
هكمل إن شاء الله.. الدكتور: أولاً إنتى أخذتى تقدير
الأمتيار على تقديم هذا المشروع ولذلك قررت إنك

تبقى دكتورته تنميه بشريه بعد التخرج هنا في
الجامعه... اتصدمت رؤى وشعرت بالسعاده بدء
حلمها يتحقق أمام عينها وأنها حقا لا تراه ولكن كان
يكفيها أن تشعر به ثم سقف لها الجميع..
الدكتور: تقدره تفضلوه المحاضره خلصت وكده
خدنا الاجازه لحد الإمتحانات ان شاء الله أتمنى
تصبحو ناجحين في حياتكم العمليه والعلميه بعد
تخرجكم من الجامعه (خرج الجميع) وانتى يارؤى
إستنى عايزك.. رؤى بلهجة توتر: فى حاجه يادكتور..
الدكتور: مالك قلقانه كده ليه ده انتى هتبقى دكتور
قد الدنيا أنا بس عايز أقولك إن اوعى حاجه توقفك
عن تحقيق حلمك يارؤى يمكن حصل كده عشان
تكملى وتقفى على رجليكى من تانى.. رؤى: أنا بجد

بشكرك جداً يادكتور أنا مش عارفه من غيرك كنت
عملت ايه.. الدكتور:متشكرنيش يارؤى أنا معملتش
غير الواجب ربنا يوفقك يارب تقدرى تتفضلى
اشوفك على الإمتحانات إن شاء الله.. ثم تدخل
ياسمين لتمسك بيد رؤى لكى تعود بها الى المنزل
وفى الطريق من فرحت ياسمين برؤى ظلت تتحدث
معها كثيرا دون صمت.. ياسمين: أنا فرحانه بيكى
اوى يارؤى انا مش مصدقه كان عندك حق لما
قولتلى إنى هشوفك وانتى محققه حلمك.. رؤى:
يمكن ربنا بيعوضنى عن كل اللى حصل معايا..
ياسمين: ايوه يارؤى عوض ربنا كبير اوى يا حبيبتى
أنا عايزاكى تفرحى ومتفكريش فى حاجه غير إنك
تكملى ومتزهقيش ولا تقفى.. رؤى: اكثر حاجه

فرحانه بيهـا إن ربنا عوضنى بيكى ياياسمين إنتى
بجد جدعه شكراً على وقفـتك جمبى فعلا المواقف
بتبين.. ياسمين:يابنتى إنتى بتشكرينى على ايه هو
أنا عملت حاجه وبعدين لو كنتى مكانى أنا متأكده
إنك كنتى هتعملى أكثر من كده مش صح والا ايه...
رؤى: بعد الشر عليكى متقوليش كده ربنا يخليكى
ليا يارب... ياسمين:طنط زبيده حكتلى على اللى
حصل بينك وبين يوسف عايزاكى متحطيش فى
دماغك ولا تزعلى يارؤى والله هو الخسران مش
انتى.. رؤى: مش زعلانه بالعكس أنا تمام أنا فعلا
عرفت اشوف حقيقته اللى مكنتش شايفها وأنا
مفتحه خلاص الموضوع بالنسبه لى إنتهى مش
هفكر غير انى بس أكمل حياتى من غير ما ابقا

محتاجه لعطف من حد.. ياسمين: صح يا حبتى أنا
واثقه منك وعارفه إنك هتكملى طريقك ومش
هيوقفك حاجه أبداً طول عمرك قويه فتضحك
ياسمين صاحبتى بقا وعارفاكى ياه وصلنا اهو يلا
هطلعك وامشى أنا.. رؤى: ما تطلعى تقعدى معايا
شويه بقالنا كتير مقعدناش مع بعض.. ياسمين: لا
ياستى أنا عندى سنتر ده غير اخواتى وليله كبيره
اوى ساعتك إنتى مفكرانى واحده فاضيه زيك والا
ايه أنا واحده مهمه.. رؤى بضحكه هادئه: اه هو انتى
هتقوليلى إنتى مهمه أوى.. ياسمين: لا بقولك ايه
يادكتور رؤى خلاص بقا مش عشان هتبقى دكتور
فى الجامعه هتنسينى.. رؤى بضحكه هادئه: لا ده
انتى صاحبتى عمرى ما أنساكى ابدأ أنا بس بهزر

معاكى.. ياسمين ماشى ياستى هزرى براحتك بقا..

-ثم دخلت روى المنزل وأخبرت والدتها بما حدث

فرحت زبيده جداً بهذا الخبر.. زبيده: أخيراً حققتى

حلمك ياروحى أخيراً خبر يفرح بقالنا كثير

مفرحناش كده مبرووووك ياقلب ماما وحسن

هيفرح أوى بيكى ياحببتى.. روى: الحمد لله الله

يبارك فيكى ياماما لولا تشجيعك ليا مكنتش

هووصل.. زبيده: ربنا يباركلى فيكى يارب انتى

واخوكى واشوفكم احسن الناس.. -ثم دخلت روى

غرفتها لتتحدث مع نفسها ولكن هذه المره وهى

سعيده بما حدث لها فى ذلك اليوم اليوم التى كانت

تنتظره منذ أعوام ... لكن هل ستظل حياة روى

على هذا الوضع أم سيحدث حدث يقلب حياتها مره
أخرى رأسًا على عقب؟

———— Part Break ————

- بعد الحفله بأيام ظلت معظم حياة رؤى فى عُرفتها
تُفكر فى مستقبلها الملى ببعض الغموض وعلى
الرغم من أنها كانت تحاول كتمان ما حدث وظلت
صامته تُفكر بداخلها فقط لم تعرف قط أن تنسى
ما حدث وكانت ياسمين تقوم بزيارتها من وقت
للآخر حالة رؤى إزدادت سوءً من كثرة الكتمان
فتشعر ببعض الألم فى عينيها أرادت أن تظل هكذا
دون دواء بسبب تردد كلمه الدكتور فى أذنيها أن
الإحتمال ضعيف فى الشفاء الا أن الألم كان يزيد
يومًا تلو الآخر فلم تصمت زبيده وهى ترى إبنيتها

هكذا أجبرتها على الذهاب للمشفى ومتابعة هذا
الدكتور الذى كان يتحدث عنه الدكتور الآخر... زبيده:
إنتى هتفضلى تعاندى لحد إمتا لازم تروحى
المستشفى. رؤى: مش بعاند ياماما أنا بس عارفه
أنه مفيش فايده فى إنى أتعالج حضرتك سمعتى
بودانك الدكتور قال ايه قال إن احتمال الشفاء
ضعيف فاليه ملوش لازمه متابعات مع دكاتره أنا
هاخذ العلاج فى البيت وهبقا كويسه.. زبيده: لا
مفيش الكلام ده الظاهر انك مسمعتوش وهو
بيقول إن الدكتور اللى هيتابع معاكى شاطر جداً
وياما ناس خفت معاه وبعدين أنا مش باخد إذن
منك إنتى كده كده هتروحى للدكتور بمزاجك أو
غصبن عنك.. رؤى: يووووه ياماما لسه مصممه؟

زبيده: أه مصممه كفايه إنك كل شويه عينك تتعبك

وتقوليلي وجعاني بدال وجعاكى يبقا يلا قومى

والبسى بقا وبطلى عناد حسن مستنيكى بره

عشان هيوصلك.. -ثم خرجت زبيده وإضطرت رؤى

فى السماع لكلام والدتها فقامت وذهبت هى وحسن

الى المشفى وبعد وصولهما قابلهما الدكتور وأخبر

حسن أن تواجهه فى المشفى غير مستحب وأن

رؤى لها جلسات تستغرق بعض الوقت..

الدكتور:أهلا يارؤى كل ده أنا قولت أسبوع وتيجى

تقعد المده دى ليه مش كويس عشانك؟

حسن:والله يادكتور هى جايه بالقوه مكانتش عايزه

تيجى لولا إنها بقالها كام يوم عينيها وجعاها جداً

ولولا ضغط مننا مكنتش جات.. الدكتور:ليه بس

يارؤى مش قولنا يبقا عندنا أمل إن شاء الله
هتخفى وهتبقى كويسه حتى لو محفتيش
يكفيكى إنك حاولتى... رؤى: تمام يادكتور أنا هتابع
معاكم من إنهاردته إن شاء الله.. الدكتور إنتى
هتقعدى معانا شويه وحسن يتفضل بقا لأن
الجلسه بتاخذ وقت واكيد مش هتبقا قاعد كل
الوقت ده يااستاذ حسن مستنى حضرتك تقدر
تتفضل ولما تخلص هنرن عليك تيجى تاخدها..
حسن: ماشى يادكتور أنا مش هتأخر عليكى يارؤى
على طول اول ما تخلصى هتلاقينى معاكى... ثم
يأخذ الدكتور بيد رؤى ويتحدث معها لحين الوصول
ويدخلها غرفه لتجلس على المقعد ثم يتركها

ويُغادر من الغرفة فيبدء الدكتور الآخر الحديث وكأنه
..كان منتظرها أن تأتي منذ مده

دكتور تميم ٣٢ سنه شاب وسيم. طويل القامه ذات
شخصيه قويه يعمل دكتور عيون في مستشفى
الحياه يُقيم في منزل مع والده المتقاعد...
الدكتور:إزيك يارؤى عامله ايه.. رؤى: هو إنت
تعرفنى؟ اه طبعا أعرفك مش أنا الدكتور اللي
هتابع حالتك إزاي معرفكيش وبعدين ياستى دكتور
محمد كلمنى عليكى كتير حكاالى اللى حصل من
ساعت دخولك المستشفى بما إنك انتى بقا اللى
متعرفنيش فاحب أعرفك بنفسى أنا أبقا دكتور
تميم بقالى أربع سنين فى المستشفى ثم يضحك
ضحه هادئه بيقولوا إني دكتور شاطر يعنى فتضحك

رؤى أيضا ضحكه هادئه وتقول تمام يادكتور تميم
يعنى فى أمل إنى أخف.. دكتور تميم: طول ما انتى
عايشه وبتتنفسى يارؤى فى أمل طبعًا خلى أملك
فى ربنا كبير قوليلى إنتى حسيتى باى ألم فى
عنيكى الفتره اللى فاتت؟ رؤى:ايوه حسيت شويه
بألم وشكه فى عيني بتوجعنى جدًّا ده من أيه..
دكتور تميم لا النغزات دى طبيعیه جدًّا بس سببى
أكشف وأشوف.. وبالفعل قام دكتور تميم بالكشف
على رؤى لمدته إستغرقت عشر دقائق ثم تحدث
معها بنبرة صوت حزين كان يحاول أن يكون
متماسك بعض الشئ أمامها أراد أن لا يشعرها
بالوضع التى تكون عليه أو بمعنى أصح بالوضع
التى ستظل عليه لأنه علم أن حالتها من الصعب

جداً شفائها... دكتور تميم: أنا مش عايزك تقلقى
خالص إحنا هنمشى على بعض الأدوية وأهم حاجه
مبيقاش فى ضغط ياروى من أى جهه لإن ده هياثر
عليكى... روى: حضرتك نبرة صوتك أتغيرت بعد ما
كشفت عليا أنا عارفه عارفه أنه صعب أرجع أفتح
تانى بس أنا راضيه مش زعلانه خالص يادكتور تميم
ده نصيبى ومحدث بيهرب من نصيبه... سكتت
روى وأندهش دكتور تميم من حديثها ظل دون رد
فقط يتسائل فى نفسه وهو ينظر أليها وكأنها النظره
الأولى إزاي واحده فى رقتك وذكائك تكون كده
معقول الحياه متكونش عادله بالشكل ده معقول
الجمال ده ومش بتشوفى ياالله مش عارف أرد
اقولك ايه وانتى بتقولى كده بتقولى الحقيقه اللى

مش عارف أقولها لك أول مره فى حياتى أعجز عن
الرد على مريض ظل تميم يُحدث نفسه لمده
طويله ورؤى صامته لاحظت رؤى صمته الدائم
فتحدثت هى.. رؤى:دكتور تميم حضرتك روح
فين مشيت والا ايه.. دكتور تميم: ها لا أنا هنا يارؤى
اوعدك إنك هتكونى كويسه أنا جمبك ومش
هسيبك لحد ما تبقى كويسه.. رؤى:متضحكش
عليا يادكتور عرفنى الحقيقه عادى أنا كده كده
كويسه.. دكتور تميم بنظره لامعه فى عيناه: أوعدك
يارؤى هتكونى كويسه.. رؤى: هو أنا كده خلصت
يعنى أروح؟ دكتور تميم: اه خلصتى لازم تاخدى
العلاج وتجلى تانى كمان أسبوع وأعملى حسابك
كل أسبوع تكونى عندى هنا متكسليش.. رؤى:

طيب حضرتك ممكن ترنلى على حسن أخويا يچى
ياخدنى.. -سكت تميم دون رد فقط أراد أن يطلب
منها طلب ولكن خاف أن ترفضه ومن ثم طلبه لأنه
أراد أن يفعل ذلك دون أن يعرف شخصيًا لماذا
يطلب هذا الطلب ؟ دكتور تميم: هو لازم حسن
اللى يوصلك ياروى أنا كده كده خلصت ممكن
أوصلك أنا فى طريقى لو مش هيضايكك يعنى..
رؤى:ايوه بس أنا كده ممكن أعطل حضرتك.. تميم:
بضحكه مكتومه:لا طبعاً مش هتعتلينى ولا حاجه
وافقى إنتى بس وملكيش دعوه.. رؤى معنديش
مانع إن حضرتك توصلنى ممكن بس تتصل بحسن
وتعرفه إنك هتوصلنى عشان ميچيش على
الفاضى... -فرح تميم وبالفعل إتصل به وأخبره أنه

سيقوم بتوصيل رؤى ثم خرج رؤى وتميم من
المشفى وركبت رؤى سيارة تميم ظل ينظر اليها
طول الطريق وبعد صمت أراد تميم أن يفتح أى
حديث فقط ليتحدث مع رؤى فقال.. تميم: هو
إنتى مخطوبه يانسه رؤى؟ رؤى: لا كنت مخطوبه
بس سبته وبمعنى أصبح هو اللى سابنى.. تميم
باستغراب: لو مش هيضايك ممكن أعرف السبب؟
رؤى: السبب واضح أهو يادكتور من غير شرح
سبنى أكيد عشان مبشوفش إزاي هيكمل حياته
مع واحده مبتشوفش.. تميم: ليه بتقولى كده يارؤى
ده مش عيب بالعكس واحده زيك جميله متعلمه
وذكىه كمان لازم تعرفى إنه اكيد مش هيلقى زيك..
رؤى بلهجة فرح: والله يادكتور حضرتك بتجاملنى

شويه بس الصراحه أنا فرحت من المجامله دى ربنا
يكرمك يارب.. تميم: ممكن بلاش كلمه حضرتك
دى أنا فعلا مقولتش غير الحقيقه وعلى فكره أنا
شايفك إسبشيال جداً.. رؤى: بجد مش عارفه أقول
ايه على الكلام الحلو ده مرسى جدا لزوق حضرتك..
تميم يضحك مره أخرى: تانى حضرتك شكلك مش
عايزانى أروحك إنهاردّه بقا.. ثم تضحك رؤى
ويضحك تميم وظل يفكران الإثنين بداخلهما رؤى
تُفكر إيه الفرحه اللى أنا فيها دى الدكتور ده ايه
ياترى شكله ايه تميم فى نفس اللحظه يفكر ايه
اللى أنا حسيته من نحييتك ده وإشمعنا إنتى بالذات
أنا بس مبسوط أوى نفسى متروحيش ونفضل
نتكلم كده ومن ثم سأل رؤى عن الطريق فظلت

تشرح له حتى أوصلها... تميم: تقريبا هو ده البيت
هتعرفى تطلعى؟ رؤى: أنا ااعميت اه يادكتور تميم
بس لسه بعرف احس هعرف أطلع ان شاء الله
شكراً على التوصيله تعبتك معايا يادكتور.. تميم:
مفيش شكر ولا حاجه يارؤى أنا اتبسّطت جداً إني
اتعرفت على شخصيه زيك على فكره أنا خدت
رقمك من المستشفى ده لو مش هيفضايك يعنى
أتابع حضرتك واشوف بتاخدى العلاج والا لا.. رؤى:
ده شئ يشرفنى طبعا.. -تُـم خرجت رؤى من
السياره وتسير ببطء وتلمس الأشياء حتى صعدت
الى منزلها وغادر تميم الى منزله أيضا...

———— Part Break ————

-بعد وصول تميم الى منزله جلس يفكر في رؤى
والشعور الغريب الذى شعر به لأول مره في حياته
كان اتجاه رؤى ظل يفكر إلا أن أراد أن يرن عليها
ولكن لم يكن يعرف عن ماذا يتحدث أراد فقط
الحديث إليها فتح هاتفه وبدء فى الإتصال .. تميم:
الو ايوه يارؤى طلعتى.. رؤى:مين معايا؟ تميم: أنا
دكتور تميم يارؤى كنت برن عليكى بس حاب
يعنى أطمئن عليكى.. رؤى بسعاده: ايوه يادكتور
وصلت من زمان أنا بخير جداً.. تميم: يارب دائماً
تكونى بخير طبعاً مش هوصيكى تهتمى بنفسك
لحد ما تجيلى تانى المتابعه الجايه.. رؤى بضحكه
هادئه: لا متقلقش يادكتور حاضر هاخد بالى من
نفسى.. تميم: طيب أنا مش هطول عليكى هقفل

بقا عشان ترتاحى سلام.... ثم غلق تميم هاتفه وهو
سعيد جداً بهذه المكالمة وجلس يفكر بها كثيراً الا
أن يدخل والده ليقطع تفكير تميم.. والد تميم الله
الله إنت يااستاذ تميم دخلت ونسيت تقفل باب
الشقه وراك.. تميم: معلش يابابا شكلى مخدتش
بالى.. والد تميم: واول مره تخش يعنى من غير ما
تسلم عليا ايه مشقلب حالك إنهارده كده.. تميم:
واللهى يابابا ما فى حاجه أنا كويس أنا هخش أنام بقا
عشان الحق أروح المستشفى بكره.. والد تميم:
مش هتاكل معايا؟ تميم: لا يا حبيبى كل أنت أنا
مليش نفس هخش أنام أنا بقا.... والد تميم: الواد
ده ماله متغير خالص إنهارده وكأنه بيحب.. فيدخل
تميم غرفته لينام وفى نفس اللحظة رؤى تفكر فى

غرفتها ايه الدكتور الغريب ده وكمان بيظمن عليا
ياترى شكلك ايه يادكتور تميم ظلت تُفكر وتُفكر إلى
أن أغمضت عينيها ونامت.. اليوم الثانى.. ذهب تميم
إلى المشفى دخل على مكتبه على غير عادته فمن
عادته أن يمر على زميله الدكتور محمد ثم دخل
دكتور محمد ليتحدث مع تميم ولكن تميم مازال
يفكر فى رؤى ولم يستمع لحديث محمد.. محمد:
ايه ياتميم معدتش عليا ليه زى كل يوم تميم انت
ياابنى الله هو ماله كل ده مش سامعنى تميم لاااا
ده الموضوع زاد اوى ياتميم.. تميم: ايه ياعم فى ايه؟
محمد: لسه فاكر ده أنا بقالى ساعه بنادى عليك..
تميم: مخدتش بالى ايه كنت عايز حاجه؟ محمد: لا
كنت بس بسأل عليك يعنى مش من، عادتك تيجى

کده على مكتبك من غير تصبح عليا زى كل يوم..

تميم: معلىش يامحمد تفكيرى مشغول شويه..

محمد: تميم اللى عمر ما فى حاجه شغلته اللى

ضارب الدنيا طنناش ييفكر وبتفكر فى ايه بقا

..يادكتور

تميم: وحيات أبوك من غير تريقه اه ياسيدى بفكر

وبالى مشغول فى واحده كده... محمد بضحك عاليه:

وكمنا بتفكر فى واحده لا ده كده كتير عليا ايه ياابنى

اللى جراك.. تميم: والله ما عارف يامحمد من

ساعه ما شوفتها إمبراح وأنا بفكر فيها ومش عارف

أبطل تفكير فيها معجب أوى بيها.. محمد بلهجة

استغراب: مين دى اللى شوفتها إمبراح وإمتا حصل

الكلام ده ده إنت بتبقا معايا طول اليوم.. تميم:

مريضه عندى.. محمد: لا بقا أنا لازم أعرف مين هى

إنت مدخلش عندك إمبارح غير حالتين رؤى

وسندس اه عرفت أكيد تقصد سندس طاب وازاى

حصل كده ياتميم إنت عمرك ما فكرت تكون

معجب بمريضه عندك.. تميم: لا مش سندس

يامحمد.. محمد بدهشه: اكيد لا اكيد مش رؤى

انت اتجننت وكمان تطلع رؤى.. تميم: اهو اللى

حصل بقا ياخى مش بإيدى أنا فعلاً بفكر فيها

ومش عارف أبطل تفكير فيها.. محمد: أنا مش على

انك تكون معجب بيها أو حتى تحبها بس رؤى

بالذات متنفعش ياتميم متنفعلكش فوق.. تميم:

ليه متنفعليش أنا حبيتها بجد أنا اول مره أبقا

معجب بجد كده.. محمد: يابنى فوق يظهر إنك

نسیت.. تمیم: لا منستش وفاکر کویس اوی..

محمد: بیقا تستهدی بالله واللہ ممکن یكون حبک
ده عطف لیها مش اکثر إنت نظرتلها نظرة شفقه
بس مش حب.. تمیم: واللہ یامحمد ما شفقه أنا
فعلا حبیتها أنا اول مره أحس الإحساس ده من جهه
حد وانت عارف.. محمد: انا مش عارف اقولک ایه
غیر إنک لازم یتبعد یا تواجهه وأهم حاجه متنساش
اللی حصل.. تمیم: ماشی یامحمد إن شاء اللہ ربنا
یقدم اللی فیہ الخیر.. ثُمَّ تدخُل الممرضة وتُخبر
دکتور محمد أن لديه عملیه فیخرج محمد وتدخل
ممرضه أخرى لدکتور تمیم لبدء إستقبال الحالات
معه.. الممرضة: دکتور محمد حضرتک عندک
عملیه دلوقت.. محمد: تمام أنا جای وراکی هروح

اشوف اللى ورايا وأبقا أعدى عليك فى آخر اليوم
نشوف هنعمل ايه.. تميم: ماشى يامحمد وأنا
هستقبل الحالات عشان أخلص بدرى... -وبعد
إنتهاء اليوم غادر تميم المستشفى ومعه محمد فى
السياره ثم بدء محمد يتحدث معه عن موضوع
رؤى... محمد: وبعدين فى حوار رؤى ده ناوى على
ايه؟ تميم: كل خير هتابع حالتها وهفضل معاها..
محمد: اللى انت بتعمله ده غلط ياتميم أنا مش
معاك إنت كده هتتعلق بيها أكثر وهتحبها بجد
ومتنساش كل اللى فات.. تميم: مش ناسى
يامحمد بس أنا مش هقدر اسبها..
محمد: ولنفترض ياسيدى إنكم كملتوه مع بعض
هتقدر تكمل ازاي مع واحده مبتشوفش ياتميم

فوق لو كنت إنت متعود على الحالات دى حاجه
وانك تعيش مع حاله فيهم حاجه تانيه أظن إنت
مدرك وعارف الموضوع صعب قد ايه انا مش
محتاج أقولك.. تميم: عارف بس محدش ليه فى
قلبه حاجه وبعدين روى إنسانه جميله وذكيه جداً
هفضل معاها وأستحملها... محمد: مش عارف
اقولك ايه غير إن ربنا معاك إنت هتواجه صعاب
كثير أوى... وصل تميم منزله وأراد أن يطمئن على
روى وفتح هاتفه وبدء فى الحديث معها.. تميم:
ازيك ياروى عامله ايه إنها رده؟ روى: أنا بخير
يادكتور وسمعت كلام حضرتك وخذت العلاج..
تميم بلهجة فرح: ايوه بقا إنتى طلعتى شاطره
وبتسمعى الكلام اهو روى بضحكه هادئه: اه طبعا

بسمع الكلام.. تميم: أنا حبيت أطمئن عليكى وأتابع

معاكى عشان أعرف خدقى العلاج والا لا طلعتى

بتاخدیه اهو ودى حاجه كويسه.. رؤى: أنا مكنش ليا

نفس أخده بس بعد ما حضرتك بقيت موجود لازم

أخده أنا بشكر حضرتك على وقوفك جمبى.. تميم:

أولاً مفيش شكر ثانيا إنتى مش بتسمعى الكلام..

رؤى: ليه حضرتك والله بسمع الكلام طيب

مسمعتش فى ايه... تميم: عشان قولتلك بلاش

حضرتك دى ومفيش فايده وياريت بلاش دكتور دى

كمان أنا تميم بس شيلى التكاليف دى بقا.. رؤى:

مش معقول يادكتور اقولك كده.. تميم مش

معقول ايه بس على فكره أنا مش كبير اوى كده

يارؤى أنا عندى ٣٢ سنه بس.. رؤى: ياه حضرتك

لسه شاب ما شاء الله.. تميم: تانى حضرتك
ياشيخه حرام عليكى تعبت منك... روى بضحه
هادئه : لا خلاص والله ياتميم كده كويس.. تميم:
ايوه كده انتى بتسمعى الكلام يلا أنا طولت عليكى
اوى اسيبك بقا.. روى: لا مطولتش عليا ولا حاجه
بس تمام إتفضل.. ثم تغلق روى الهاتف وهى
تمسكه بين يديها وتُفكر ثم تسرح قليلاً فى كلام
تميم وفى الجانب الآخر يُفكر تميم فى حديثه مع
روى والفرحه التى يشعر بها عندما يتحدث معها..
هل ستدوم هذه الفرحه بينهم طويلاً؟ وما هذا السر
الذى يقوم بخفيه تميم وهل سيظل هكذا أم
سيضطر أن يكشف هذا السر؟

———— Part Break ————

وظل تميم يتحدث كل يوم مع رؤى فى الهاتف
بحجة أنه يطمئن عليها وهل أخذت الدواء اليوم ام
لا وفى الحقيقه رؤى ذكيه جداً لم تقتنع يوماً بهذه
الحجه الواهيه كانت تشعر باحساس تميم إتجاهها
والمعامله التى لا يمكن أن تكون هكذا بين طبيب
ومريضته وكل يوم الإحساس يزد بينهما اكثر
فاكثر كانت كل أسبوع تذهب رؤى ولم يُخبرها
تميم بشئ فقط يوصلها دون الإعتراف بشعوره
نحوها.. وبعد بضعة أيام فى يوم المتابعه تميم قرر
أن يُخبر رؤى بشعوره إتجاهها... تميم: رؤى أنا كنت
عايز اقولك حاجه.. رؤى: إتفضل يادكتور تميم
سمعاك.. تميم: طيب ممكن نخرج أعزمك على
حاجه بره نشربها وأتكلم معاكى أكيد مش هتعرف

أتكلم معاكى فى المستشفى يعنى.. روى بتردد:
مش عارفه اقولك ايه يادكتور بس ماشى موافقه..
ثم غادر المشفى وذهبا إلى المقهى وبعد جلوسهما
ظل تميم صامتًا بعض الوقت لم يعرف كيف
يخبرها ولكن بدء فى التحدث معها.. تميم: روى أنا
مش عارف أبدء منين ياروى بس عارف إنك حاسه
بحقيقه شعورى من إتجاهك وأنا كمان حاسس
بشعورك إتجاهى.. روى: ممكن توضح أكثر يادكتور
حضرتك تقصد ايه.. تميم: قولتلك بلاش حضرتك
ودكتور والكلام ده أنا تميم تميم وبس مش معقوله
بعد الفتره دى كلها لسه بتقوليلى يادكتور.. روى:
خلاص ياتميم إتفضل أنا سمعاك وضحلى قصدك
ايه... تميم: متخبيش عليا يعنى إنتى مش حاسه

بللى أنا حاسس بيه روى أنا بحبك أنا حببتك من
أول يوم شوفتك فيه... ظلت صامته دون رد على
حديث تميم فى الحقيقه كانت تُفكر فقط تسائل
نفسها ليه؟ ليه وأنا كده ثم يقطع تميم تفكير روى...
تميم: أنا عارف إنك مش مصدقه كلامى بس كفاه
انك تصدقى إحساسى ياروى انا فعلاً حببتك.. روى:
تميم أنا مش هقدر أنفعك أنا حتى مش عارفه أنفع
نفسى أنا مبعرفش اعمل لنفسى كوباية شاي ..
تميم أنا مش هتجوزك عشان تعمليلى كوباية شاي
أنا هتجوزك عشان بحبك انا هستحمل كل حاجه
ياروى بس تكونى جمبى وبعدين إنتى خلاص
هتبقى دكتور روى هعوز أنا ايه تانى بقا من الدنيا
مراقتى دكتور ناجحه وجميله و روى قاطعه لكلام

تميم : وعاميه وعاميه ياتميم لازم تفهم أرجوك..
تميم: ياستى لو على كوباية الشاى أعملهالك أنا.
رؤى ضاحكه: لا مش على كوباية الشاى بجد ياتميم
متهزرش أنا.. تميم قاطع لكلام رؤى أنا بحبك بحبك
ومبصتش لإنك مش بتشوفى الكلام ده أنا جمبك
يارؤى وعارف إنك بتحبينى بس بتكابرى.. رؤى: اه
بحبك ياتميم بس أنا مش عايزه اتجرح تانى من حد
مش عايزه حد يقول إنك إتجوزتنى عشان كنت
مشفق عليا.. تميم: شيلى التفكير ده من دماغك
أنا عمرى ما فكرت فى كده بلاش تفكرى فى كده أنا
حبيتك بجد مش عطف منى ولا حاجه إنتى فعلاً
تستاهلى أكثر من كده وانا عمرى ما هجرحك لانى
حبيتك وإنتى كمان حبتينى فمتقوليش كده....

رؤى:موافقه ياتميم أنا عمرى ما هلاقى شخص زيك
أكمل معاه حياتى.. تميم بفرحه شديده: بجد
وافقتى خلاص تحددىلى بقا مع حسن وماما معاد..
رؤى حاضر لما أروح هرد عليك وأقولك إمتا تيجى
بالظبط.. وسرعان ما حزن تميم وفكر بالماضى
والسر الذى سيظل ملاحقه حتى لو ظل يخفيه
كثيراً واراد أن يخبر به رؤى قبل أن تعلم من
الأخرين وتتركه إضطر أن يُخبرها وبعد الفرح الذى
كان بداخله إنقلب حزناً شديداً ولم يعرف كيف يبدء
معها ولكن بدء فى محاكات هذا السر.. رؤى: ايه
ياتميم مالك سكت ليه هو فى حاجه؟ تميم: ايوه
يارؤى فى الحقيقه فى حاجه لازم تعرفيها وبعدها
تقررى إذا كنتى هتقدرى تكملى أو لا وأى رد فعل

منك أنا متقبله بس لازم تعرفى إني واللهم حببتك
بجد من غير أى حاجه.. روى بلهجة قلق: ما تتكلم
ياتميم فى ايه قلقتنى بدء تميم فى إخبار روى بالسر
وهو خائف من رد فعلها ولكن لم يعد لديه خيار آخر
سوا إخبارها.... هل هذا السر سيكون السبب فى
بعد روى عن تميم أما ستظل روى معه للنهايه؟

———— Part Break ————

-علم حسن من والدته بما وصلت له روى وأراد أن
يفاجئها ثم إتصل بصديقتها ياسمين ليخبرها بما
يريد القيام به.. حسن: الو ياسمين أنا حسن..
ياسمين: أيوه إزيك يا حسن وأخبار روى إيه
مكلمتهاش من ساعة ما وصلتها إمبراح..
حسن: هي كويسه الحمد لله وفي الحقيقه أنا عرفت

باللى حصل فى الجامعه من ماما وكنت عايز أعملها

حفله ونعزم زمايلها وكده عشان يباركولها..

ياسمين:تمام جداً أنا معاك يا حسن.. حسن:تسلمى

أنا قولت إن مفيش غيرك يا ياسمين اللى

هتساعدنى فى الموضوع ده.. ياسمين: على ايه

مفيش حاجه رؤى تستاهل كل خير وأنا مبسوطه

بيها جداً.. حسن:كنت حابب أشكرك على حاجه

تانيه كمان.. ياسمين بإستغراب:حاجة إيه؟

حسن:على وقفتك جمب رؤى بجد بشكرك أوى

يا ياسمين مش عارف من غيرك كنا هنبقا عاملين

إزاي.. ياسمين بلهجة فرح: على ايه انا معملتش

حاجه رؤى تبقا أكثر من أختى وربنا عالم أنا بحبها

ازاي ومكاتها عندى من غير اى حاجه...

حسن: وهى كمان بتحبك أوى.. ياسمين: طيب أنا
هعزم زمايلنا اللى معنا فى الجامعه وأصحابنا نخليها
على الجمعه عشان ألحق أكون عزمتهم.. حسن:
تمام وأنا هتفق مع ماما وهكلمك تانى عشان
أعرفك اللى اتفقنا عليه.. ياسمين: تمام يا حسن
هستناك سلام.. -أغلق حسن الهاتف ومن ثم
تدخل زبيده وتبدء فى التحدث معه.. زبيده: ايه
يا حسن إنت مش نازل والا ايه؟ حسن لا نازل هجهز
وأنزل على طول محتاجه حاجه من تحت وانا راجع
أجبهالك.. زبيده: لا يا حبيبى عايزه سلامتك يارب إيه
كنت بتكلم مين فى التلفون.. حسن: كنت بكلم
ياسمين عشان تعزم أصحاب رؤى فى الجامعه
عشان الحفله إنتى نسيتى ده إنتى اللى قايلالى..

زبيده: اه والله يا حسن نسيت بينى وبينك رؤى
محتاجه الحفله دى يمكن تنسيها اللى مرت بيه
يا حبيبتى مكنش سهل عليها.. حسن: أهو ادينى
كلمت ياسمين اهو ياماما وإتفقت معاها الجمعة
مناسب مع حضرتك.. زبيده: اه يا حبيبى أهو يوم
أجازته واحنا هنبقا قاعدين.. حسن: تمام هبقا أرن
على ياسمين أديها الأوكيه.. زبيده: البت ياسمين
دى جدعه أوى يا حسن وقفت جمب رؤى من يوم
الحادثه لحد دلوقتي مسبتهاش.. حسن: اه فعلاً
ياماما.. -ظلت زبيده تتحدث على ياسمين مع
حسن وكأنها تنظر إليها نظره أخرى غير أن تكون
صديقة رؤى فقط وكأنها تلمح على شيء آخر
لحسن وسرعان ما بدء أن يأخذ حسن باله ثم قال..

حسن: فی ایہ یاماما بقالک ساعہ بتشکری فی
یاسمین ہی اہ فعلا بنت جدعه ووقت جمب رؤی
وآنا شکرتها هعمل ایہ تانی؟ زبیده: هو آنا قولت
حاجه ده آنا بعرفک بس یاحسن إنها کویسه یعنی..
حسن: طیب تمام.. زبیده: آلا بقولک ایہ یاحسن..
حسن: ایہ یاماما فی ایہ تانی شکلی مش هروح
الشغل انهارده بسبب الست یاسمین.. زبیده: آلا هو
انت مش ناوی تشوفک عروسه هنا و آلا هنا کده..
حسن بضحکه عالیہ: هشوف هنا والا هنا ازای
یاماما یعنی لسه ملقتش حد مناسب وبعدين انا
مبفکرش أتجوز دلوقت لازم أطمئن علی رؤی الأول
... زبیده: یاسیدی رؤی بقت کویسه وبعدين
یاسمین معاها متقلقش وبعدين بقا آنا لقتلک

العروسه اللى روى ذات نفسها هتفرح بيها أوى..
يضحك حسن مره أخرى: وياترى مين دى بقا
ياست الحبايب أوعى تقوليلى ياسمين..
زبيده:إسمالله عليك وعلى شبابك هى بعينها
ياسمين بنت جميله وجدعه وكفايه إنها وقفت
جذب روى فى محنتها وبعدين روى بتحبها وأنا كمان
بحبها هاه قولت إيه.. حسن :بقولك ايه ياماما أنا
مش فاضى للكلام ده وأتأخرت على الشغل لما
أرجع نبقا نشوف الموضوع ده أنا ماشى بقا ياست
الكل.. زبيده:طيب ياحسن وحيات أمك ما أنا
سيباك إلا ما أجوزها لك.. -ثم يغادر حسن المنزل
ليذهب الى العمل وهو فى الطريق ظل يُفكر فى
حديث زبيده له ويتحدث إلى نفسه.. وبعدين ياواد

ياحسن هتسمع كلام أمك وتتجوز ياسمين؟ ومالها
يعنى ياسمين فعلاً ياسمين بنت جميله وكفايه إنها
جدعه ورؤى بتحبها.. لا لا ياسمين طول عمرها
قصادى عمرى ما فكرت فيها ولا فكرت أحبها حتى؟
مهو عشان مدتش لنفسك فرصه إنك تقرب منها..
لا لا أنا عايز أطمئن على أختى الأول كفايه اللى بقت
فيه أطمئن عليها الأول وأبقا أشوف نفسى وأشوف
حوار ياسمين ده كمان.. -واذا فجأه یرن هاتف
حسن لتكون ياسمين ويستغرب حسن من
المكالمة فيفتح الهاتف ويُحدِثها.. حسن:إيه
ياياسمين فى حاجه؟ ياسمين:لا لا مفيش حاجه
ياحسن أنا بس بطمئن عملت إيه مع طنط زبيده
عشان أبدء أعزم زمايلنا.. حسن:والله هى وافقت

على يوم الجمعة وقالتلى اليوم ده مناسب فيبدأى
إعزميهم بقا.. ياسمين:تمام ماشى معلش أزعجتك
معايا.. حسن بلهجة فرح: لا بالعكس أزعجتينى إيه
ده إنتى ترنى فى أى وقت ياياسمين.. -يغلق حسن
الهاتف مندهشاً فيقول فى نفسهِ والله شكلى
هحبك والا إيه الله يسامحك يأمى شقلىبتيلى
دماغى وظل يحدث إلى أن وصل إلى العمل.. -فى
يوم الحفله بعد أن عزمت ياسمين كل زمائهم
وأنت فى الصباح لتُيقظ رؤى التى ما زالت نائمه
وتخُضر أجواء الحفله فوصلت ياسمين إلى باب
المنزل ورنّت الجرس فى نفس اللحظة كانا حسن
وزبيده جالسين فى الصاله.. زبيده:حسن قوم إفتح
الباب.. حسن:أهلا ياسمين عامله إيه؟

ياسمين:كويسه الحمد لله (ثُمَّ دخلت) إزيك ياطنط

زبيده:الله يسلمك يا حبيبتى تعالى أقعدى..

ياسمين: روى شكلها لسه نايمه أنا جايه عشان

أصحبها وأجهز معاكم الحاجه بقا أنهارده اليوم

طويل.. حسن: هى دى بتصحى دى من ساعة ما

خدتوه الأجازة وهى نايمه.. ياسمين بضحكه هادئه:

معلش يا حسن بقا سبها على راحتها يعنى هتعمل

ايه يعنى مبقاش ورانا غير النوم.. -تستغل زبيده

هذه اللحظة بين ياسمين وحسن لتتركهم بمفردهم

وتقول فى عقلها وهى تنظر إليهم بإبتسامة والله

لايقين على بعض لو الواد حسن ده ياخد باله منها

أما أقوم أسبهم يتكلموه شويه.. ياسمين:راحه فين

ياطنط؟ زبيده:هقوم يا حبيبتى أعملك حاجه تشربها

وبعدين أنا ورايا حاجات كتير أجهزها للحفله..
ياسمين:طيب اقوم أساعدك أنا جايه أصلا عشان
كده.. زبيده:لا يا حبيبتي خليكى إنتى مع حسن
وشويه وخشى صحى رؤى وأنا لو إحتجت حاجه
هناديلك على طول.. ياسمين:ماشى ياطنط..
يلتفت حسن إلى ياسمين وينظر إليها نظره
بإبتسامه وكأنها النظرة الأولى ليتحدث معها مره
أخرى.. حسن:أنا شكرتك فى التلفون أشكرك فى
الحقيقه بقا على وقفتك جمبنا بجد إنتى بنت
جدعه وتستاهلي كل خير.. ياسمين بخجل: لا على
ايه يا حسن قولتلك متشكرنيش رؤى دى أختى...
حسن بضحكه هادئه: طيب متزقيش كده إعتبرينى
بفتح معاكى كلام ياستى هاه.. ياسمين: بخجل مره

أُخري: حساك ليه بتكلمنى كأنتك بتكلمنى لأول
مره.. حسن:أنا فعلاً بكلمك لأول مره ياياسمين.. -
ظلت ياسمين صامته من كثرة الخجل الذى كان
بداخلها وظل حسن صامتاً أيضاً فقط ينظر إليها
وبعد مده بدأت تتحدث ياسمين.. ياسمين:وانت
عامل ايه بقا ياحسن.. حسن بضحكه هادئه:أنا
كويس والله.. -تُخرج زبيده لتراهم يضحكون
ويتحدثون فتضحك هى أيضاً وتقول..
زبيده:بتضحكوه على إيه ضحكونى معاكم.. ياسمين
بخجل:ولا حاجه ياطنط أنا هقوم أنا أصحى روى بقا
عشان إتاخرت فى الصحيان.. زبيده:ماشى ياحببتى
روحى صحيها..

———— Part Break ————

-ثُمَّ دخلت ياسمين غرفة رؤى لَتَيَقْظَهَا لِلإستعداد
للحفله وفي نفس اللحظه جلست زبيده لتتحدث مع
حسن فى الخارج أرادت أن تعرف بماذا شعر حسن
إِتجاهه ياسمين.. زبيده: مالها ياختى البت دى
إتكسفت منى كده ليه وقال داخله تصحى رؤى قال
وإنت يا حسن أفندى إيه بقا رأيك فيها؟ حسن: رأيى
فى ايه زبيده: إنت هتستعبط ياولا على أمك ده إنت
لسه كنت بتضحك معاها حالا أmaal هى إتكسفت
من إيه؟ حسن: وأنا أعرف منين ياماما إبقى أسألها
وبعدين أنا داخل الأوضه أظبط اللبس إالى هلبسه
بليل.. زبيده: إستنى هنا هو أنا كل ما أكلمك عليها
تتهرب هى مش عجبك والا ايه يا حسن؟ حسن
بضحكه هادئه: عجبانى يأمى ارتحتى بقا سيبينى

أخش أشوف هعمل إيه.. زبيده بضحه مرتفعه: أيوه

كده هو ده الكلام مش تعملى فيها مكسوف وش

كسوف أوى إنت وهى ياخويا.. حسن: خلاص

خلاص يأمى هتفضحيننا أنا داخل أوضتى ياستى..

زبيده: خد هنا إنت ياولا خد.. = فى غرفة رؤى..

ياسمين: إصحى يارؤى كل ده نوم.. رؤى: إيه يابنتى

فى حد يصحى حد كده (ثم تتحدث بدهشه) وبعدين

إنتى إيه جابك إنهارده؟ هو إنهارده إيه؟

ياسمين: والله هو فى حد يقول لصحبه إنتى جايه

ليه ده بدل ما تقوليلى نورتي وتعزمينى على أى

حاجه كده والا كده.. رؤى بإستغراب: أصل غريبه

يعنى مش من عادتك تجيلى الجمععه وبعدين إنتى

مستنيه أعزمك على حاجه ده إنتى دخلتى وقعدتى

على سريري وبتصحينى كمان.. ياسمين بضحكه
مرتفعه:أمال إيه يابنتى ده بيتى وبعدين بطللى رعى
وقومى كده إغسلى وشك عشان نقعد مع بعض
لحد بليل ونخرج.. رؤى:طيب هقوم أهو إنزلى إنتى
من على دماغى بس.. وعلى الرغم من إستغراب
رؤى من مجئ ياسمين فى ذلك اليوم ولكن لم
يخطر فى ذهنها أن هناك مفاجأه فى إنتظارها وظلت
ياسمين تجيب على أسئلة رؤى دون أن تخبرها بما
سيحدث مر الوقت سريعاً وحل الظلام وأعدت
زبيده وحسن كل شئ فى الخارج دون أن تشعر رؤى
بشئ ثم أرتدت رؤى ملابسها معتقده أنها ستخرج
مع ياسمين وسرعان ما دق الباب وبدء الجميع فى
الحضور خرجت رؤى متمسكه بيد ياسمين من

غرفتها مرتديه فستان أزرق للدرجه التى إندهش
الجميع من جمالها وظلوه صامتين لمفجأتها..
رؤى:أنا مش عارفه إنتى عايزه تخرجينى إنهارده ليه
ياياسمين ما كنا خرينا قاعدين فى البيت أحسن..
ياسمين: تعالى بس نخرج أهو نفك عن نفسنا
شويه.. رؤى:طيب ياستى أما نشوف آخرتها هو
مفيش صوت لماما وحسن ليه هم مش قدامك
..ياسمين

الجميع بتهليل فى صوت واحد مفاجأه.. رؤى بفرحه:
ايه ده ايه ياياسمين؟ ياسمين:عملنا حفله بمناسبه
الجايزه اللى خدتها فى الجامعه يادكتور.. رؤى
بفرحه:بجد أنا فرحانه أوى شكراً لكل اللى حضر
واحد واحد أينعم انا مش شايفاكم بس فرحانه أوى

بللى عملتوه عشانى.. زبیده:مبروووووک یاحببتی
ربنا یجعل کل أيامک فرحه یارب.. حسن:مبروووووک
یارؤی أنا مبسوط بالنجاح إلی حققتیه کنت واثق
إنک هتوصلی.. رؤی:اللہ یبارک فیک یاحسن إنت
وماما فرحانه جدا ویاسمین ربنا یخلیکم لیا کلکم
یارب.. وبدء الجميع واحد تلو الآخر فی التهنئه لرؤی
وبدأت الحفله ورؤی کانت تشعر بالسعاده کثیراً لما
حدث وإذا فجأه حدث ما لما یتوقعه أحد سمعت
رؤی بالصدفه حدیث ساره وبسمه زمالئها وكأن
الحزن یخبرها أن فرحتها لم تکتمل مهما حدث..
بسمه:بذمتک إنتی مقتنعه إن رؤی تاخذ جایزه زی
دی.. ساره:الصراحه مش عارفه إزای تاخدها ما إحنا
کمان قدمنا مشاريع تخرج مخدناش زیها لیه..

بسمه:معرفش أنا ايه ده لا وکمان إتعمت إزای
الدكتور یخلیها دکتوره وهی عامیه کده.. ساره:اه
والله عندك حق حتى لو دکتوره طلاب جامعه ینفع
تبقا عامیه.. بسمه:إحنا کنا أحق منها بکتیر أنا
شایفه إن الدكتور بیشفق علیها بعد ما عرف إنها
إتعمت.. ساره:لا یاشیخه متقولیش کده الدكتور
أصلا مکنش یعرف إنها مبقتش تشوف.. بسمه:لا أنا
حاسه أنه کان عارف وعشان کده أشفق علیها وإدلها
الجایزه دى.. ساره:مش عارفه عمتا بکرة نشوفها
هتشتغل دکتوره إزای وهی کده والله عشنا وشوفنا
کمان العامیین بقو دکاتره... بسمه بضحکه هادئه:
اه والله یابنتی الدنیا حظوظ وهی حظها بنت اللذینہ
حظها حلو أوی یلا الله یسهلها.. ساره:یااختی

متشغليش بالك مش الدكتور هيشغلها فى الجامعه
بس هى مش هتنفع وبكره يعرف أنه كان غلطان اه
الله يسهلها بقا.. بسمه:طيب أسكتى بقا أحسن حد
ياخد باله إننا بنتكلم عليها.. ولم تعلم بسمه أن
رؤى إستمعت لحديثهما جلست رؤى على المقعد
وهى تبكى مندهشه من حديثهم لم تعلم ماذا
تفعل فقط أرادت ان تدخل غرفتها خوفاً من أنا
يراها أحد فى تلك هذه الهيئه وتركت الجميع
والحفله ودخلت غرفتها وبكائها يشتد أكثر فأكثر
لاحظت ياسمين غياب رؤى لفتره ودخلت لتطمئن
عليها ثم رأتها تبكى بكاءً لم تكاد تراه من قبل ثم
بدأت مسرعه فى الحديث مع رؤى لتعرف ماذا حدث

لکل هذا البكاء.. یاسمین:رؤی مالک فی ایه وایه
..العیاط ده کله؟ رؤی:مفیش حاجه أنا کویسه
یاسمین:لا إنتی مش کویسه فی حاجه حصلت فی
الحفله زعلتک.. رؤی بتعصب:قولتک مفیش حاجه
حصلت سیبینی بقا.. یاسمین:لا واللّه فی حاجه
وبعدين إنتی سبتی الحفله ودخلتی لیه وبتعطی
لیه کده أنا مش هسیبک الا أما أعرف فی ایه..
رؤی:أنا بس تعبت شویه دخلت أرتاح ومش هقدر
أخرج تانی بلغیهم إعتذاری وإنی تعبت فمش قادره
أخرج.. یاسمین بلهجة حزن: لا سلامتک ألف سلامه
یاحببتی بس أنا حاسه إن فی حاجه تانیه هی إلی
خلتک تدخلی أوضتک وتعیطی کده هتخبی علیا
یارؤی.. رؤی: لا مش هخبی علیکی ولا حاجه بس

مفیش حاجه إطمنى والله أنا هبقا كويسه بس لو
سمحتى سيبينى لوحدى عاوزه أقعد مع نفسى
شويه.. ياسمين:أنا مش هقدر أروح ألا ما أعرف
مالك ومش هقدر أسيبك كده وعمتا حاضر أنا
هسيبك وأطلع أعتذرلهم لحد ما تروقى شويه لكن
مش مروحه الا ما أعرف فيكى أيه.. رؤى:حاضر
ههحكيلك بس سيبينى شويه.. -خرجت ياسمين
لتعتذر للجميع والحزن على وجهها لأنها رأت الحالة
التى عليها رؤى وبالرغم من إلحاح ياسمين الشديد
فى معرفه ماذا حدث ولكن لم تخبرها ظلت رؤى
تبكى داخل الغرفه و يتردد حديث زملائها فى ذهنها
بدأت تحدث نفسها وتتسائل (إنتى زعلانه ليه
يارؤى من كلامهم ما هم عندهم حق أكيد الدكتور

مشفق علیکی عشان إنتی عامیه طیب إزای یدینی
حاجه زی کده الا ما یکون شایف إنی فعلاً أستحقها؟
طیب لیه یکرهونی کده عملتلهم أیه عشان یبقو
زعلنین لنجاحی مستخسرین علیا الفرحة حتی فی
حاجه زی کده) ثم بدأت بالدعاء کانت تدرك أن الله
یسمعها واستجابه دعائها ربما کانت فی أمس
الحاجه للدعاء یاااارب نفسی أفرح دی کانت أمنية
حیاتی ومجتلیش إلا وأنا مبشوفش أنا مش زعلانه
بالعکس أنا فرحانه أوی یارب بکرمک لیا یارب فعلا
أکون قدها وتکون خیر لیا وإبعد عنی کل إلی فی
قلبه کره من نحیتی.. -بعد مغادرة الجميع دخلت
یاسمین مره أخرى لأنها لما تقتنع بکلام رؤی فی
المره السابقه ومعها أيضا حسن وزبیده لمواساة

رؤى ومعرفة ما بها ولما تركت الجميع ودخلت
غرفتها؟ زبيده بلهفه: أياه يا حبتى ياسمين قالتلى
إنك بتعيطى وتعبانه مالك؟ رؤى: أنا بقيت كويسه
ياماما متقلقيش.. ياسمين: لا ياطنط دى بتكدب
شكلها مش كويس خالص وفى حاجه حصلت بس
هى مش عايزه تحكى.. حسن: فى ايه يارؤى إيه
مزعلك ده إحنا عاملين كل ده علشانك..
رؤى: يا جماعه أنا تعبت شويه ودخلت عشان أرتاح
فيها إيه بس مكبرين الموضوع ليه ياسمين: بقا كده
يارؤى مش عايزه تقولى برضوا وأنا اللي مردتش
أروح ألا ما أطمئن عليكى. رؤى بإطمئنان: أنا بقيت
بخير والله كفايه قلقكم عليا ربنا يخليكم ليا يارب..
وعلى الرغم من إلحاحهم الشديد فى معرفة الذى

حدث ولكن لم تريد رؤى أن تكسر فرحتهم بها
لطالما فرحت بوجودهم بجانبها وخوفهم عليها هذا
الشيء أشعرها بالإطمئنان كثيرًا ولكن إكتفت
بالسكوت والدعاء.. زبيده: يارب يا حبيبتي خلاص
هنسيك تترتاحي ونخرج بقا اليوم إنهارده كان
طويل.. ياسمين: وأنا همشي انا بقا عشان إتاخرت
أوى بسبب الست رؤى عايزين حاجه.. زبيده: لا
يا حبيبتي عايزين سلامتک تسلمی یا یاسمین
تعبناکی معانا یا حبيبتي.. ياسمين: ولا تعب ولا حاجه
يا طنط أنا فرحانه والله إني كنت معاكم.. زبيده: ربنا
يخليكي يا حبيبتي وإنت يا حسن قوم وصل ياسمين
علشان مترو حش لوحدها.. حسن بدهشه: بتقولي
أيه ياماما.. زبيده: أيه مالك أستغربت ليه بقولك

وصل یاسمین فیها حاجه دى.. حسن بلهجة فرح:لا
یأمی مفیهاش حاجه إتفضلى یاست یاسمین جایه
علینا بخساره.. یاسمین بضحكه هادئه: معلش بقا
یأستاذ حسن نردھالك مره تانیه.. ثم خرج حسن
لیوصل یاسمین وخرجت زبیده تارکه رؤى لکی
تنام.. ترى هل ستظل رؤى مُتذکره ما حدث؟ أم
ستضطر إلى نسیانہ؟

———— Part Break ————

تمیم: أنا السبب یارؤى أنا کدبت علیکی انا السبب
رؤى: بدھشة أنا مش فاهمه حاجه کدبت فی ایه
وانت السبب فی ایه؟ تمیم: أنا السبب فی اللی انتی
فیہ یارؤى أنا السبب فی إنک مش بتشوفی رؤى:
بصدمه یعنى إیہ انت السبب؟ تمیم بلهجه سریعہ

وتوتر : أنا إلى صدمتك بعربيتي أنتى دخلتى
المستشفى بسببى أنا كنت. يومها سايق بسرعه
جنونيه ومش شايف قصادى من الغضب والزعل
وبعدين فجأه لقيتك قصادى وملحقتش أدوس
فرامل ودخلتك المستشفى اللى انا بشتغل فيها
وللأسف مبقتيش تشوفى بسببى أنا ومن ساعتها
وأنا مش عارف إيه اللى حصل ولا عارف أقولك
الحقيقه ولا عارف أسكت مقولش بس أنا حبيتك
بجد رؤى: أصبحت فى حالة ذهول وصمت وبعد
لحظات استعيدت رؤى نطقها وقالت يعنى إنت
طلعت السبب فى كل إلى أنا فيه ده يعنى إنت
محبتيش يعنى إنت عملت معايا كل ده عشان
تصلح بس غلطتك اللى غلطها زمان يعنى إنت

مستعد تستحملنى عشان إنت السبب تميم: لا لا
أنا حبيتك بجد ياروى والله العظيم حبيتك مش
عشان مشفق ولا السبب أنا عايز أتجوزك وأكمل
معاكى بقيت حياتى صدقيني روى فى حزن شديد:
أنا مش مصدقك إنت كداب وقامت روى وذهبت
مسنده على الأشياء سارع تميم بالذهاب خلفها ثم
أمسك إيديها وقال لها خلاص ياروى لو مش عايزانا
نكمل أنا عمري ما هغصب عليكى بس بعد إذنك
أنا هروحك روى: روحنى ياتميم وأرجوك أخرج من
حياتى إنت ضيعت كل حاجه حلوه بينا لأنك زى ما
عاشتني للحظه كنت بتمناها إنت برضوا عيشتني
أصعب إحساس عمري ما كنت أتمناه حزن تميم
جداً وأوصلها إلى المنزل دون أن يتحدث معها ثم

دخلت رؤى ولم تخبر أحد بما حدث ودخلت الى
غرفتها وظلت تبكى وتتحدث مع نفسها يعنى كل
ده كان كذب أنا مش مصدقه يارب أنا حبيته ليه
يكون السبب فى تعاستى دخلت زبيده على رؤى
مالك يارؤى فى آيه أنتى بتعيطى ليه يا حبيبتى أنا
أمك أحكيلي حكى رؤى الذى دار بينها وبين تميم
فقال زبيده رداً على كلام رؤى يابنتى لو مكنش
بيحبك بجد مكنش حب يكمل حياته معاكى
ومكنش قالك بالحقيقه رؤى فى تعجب: أيوه ياماما
بس ليه كذب عليا من الأول زبيده: جازى خاف
لتبعدى وإننى فعلاً لما عرفتى رفضتى وبعدتى
صدقينى يارؤى تميم بيحبك بجد أديله فرصه تانيه
يثبتلك فيها ده. رؤى: حاضر ياماما هحاول ومرت

بضعه أسابيع ثم شهور ولما يتحدث كلاهما إلى
الأخر ولم ينسى تميم ولم تنسى رؤى لم يتعافان
ولكن لم يحاولان الرجوع بالرغم من حبهما الشديد
الا أنهما رأى أن بعدهما كان القرار الأفضل وفي يوم
خرج تميم بعد مناقشه بينه وبين والده أدت
للتحدث بغضب فقرر يخرج تميم من المنزل
مسرعا مره أخرى دون أن يفكر في الماضي وفي
ذات اللحظة كانت.رؤى على معاد مع ياسمين
ليخرجا سوياً زبيده: إيه يارؤى أنتى مش هتستنى
ياسمين رؤى: لا ياماما أنا محتاجه أمشى لوحدى
شويه لو ياسمين سألت عليا قوللها إنى خرجت
ونبقا نخرج أنا وهى وقت تانى زبيده: مش هينفع
يارؤى ياسمين كده هتزعل رؤى: معلىش، ياماما

سبینی علی راحتی زبیده إنتی مش هتعرفی
تمشی لوحدك طیب استنى اكلم اخوكى يوصلك
رؤى بلهجه غضب: ياماما بقولك أنا عايزه أبقا
لوحدى لو سمحتى سبینى أخرج أنا هعرف أمشى
زبیده: اللى یريحك بس خدى بالك من نفسك
خرجت رؤى وظلت تسير بمفردها وهى تفكر فى
تميم لم تقدر رؤى يوماً أن تنسى تميم وفجأة وهى
تسير حدث ما لم يتوقعه أحد ياترى هل أنتهت
قصة حب رؤى و تميم أم للصدفه أقوال أخرى؟